

مصلحت‌العرف

دائرة مخصوصه

درسمادنده باب عالی جادیسند

محل اداره :

اخطار :

مسلمکزه موافق آثار مع المنوین

قبول اولنور

درج ایدیه بی آثار اعاده اولنور

دین ، فلسفه ، ادبیات ، حقوق و علوم دین باحث هفته‌ای رساله در

مؤسسه‌ای : ابو العلاء زین العابدین - ح . اشرف ادیب

درسمادنده نسخه بی ۵۰ یاردر

قبولده دن مقوا بورو ایله کوندر یایرسه سنوی

۲۰ غروش فضله آلنیر

درسمادنده پوسته ایله کوندر یایرسه ولایات بدلی اخذ اولنور.

تاریخ تأسیسی :

۱۰ تموز ۱۳۲۴

سنه لکی

القی آیلنی

۳۰

۲۰

۴۰

۶۰

۸۰

۸۰

درسمادنده

ولایاتده

مالک اجنبیه

ایکنجی جلد

۲۰ جمادی الاخره ۳۲۷ پنجشنبه ۲۰ خیران ۳۲۵

عدد : ۴۴

جاسوسلوق ، خفیه لک صفت لعینه بی

بر کیمسه نك قدح و ذمه دائر سويله نك كلامی شفاهاً و یا تحریراً کندیسنه اسماعدن عبارت اولان « نیمه » نك حرام قطعی اولمی جهل نك معلومیدر . دائماً و . نیتاً ، فساد جوینا از کتاب اولونان ، مسافرت ایقاعنه باعث مستهل اولان بومعصیت عظیمه نك فوق العاده شناعی ، تماملکی اعتیاد ایدن کسانک مردولو خصائل خبیثه بی جامع اوله جالری نك قطعی ده شو آیت کریمه دن مستهل اولنده در .

استعید بالله « ولا نطع کل حلاف مهین » ای مؤمن ! صافین کثیر الحلف ، یعنی بول اولان هیچ بر شخص حثیره اطاعت فساد آمیز سوزینه موافقت ایته . (مهین) حثارت مراد فی مهانتدن مستدر .

« هاز مشاء بنیم ، مناع للخیر معتد ائیم » بو مقوله کیمسه لره هر زمان خلک مساویسنی تفتیش و اخباره مبادرت ، خیر و مشروع ، حقوق آدمی دن معدود شیلر ایله انتقاء ، ممانعت ، تعدیات کونا کونه مجامرت ایله هر جنایتی ارتکاب ایدر لر .

« عتال بده ذلک زنیم » چونکه قلسی الباب ، جفا پیشه اولملرندن باشقه محمول النسب فرومایه کیمسه لردر ، « زنیم » پدری مشکوک بولونان شخص معناسنه در . نصل که بر شاعر دیمشدر .

« زنیم لیس یعرف من ابوه »

« بنی الام ذو حسب لئیم »

بوصنعت مذمومه بی اعتیاد ایدنلرک علی الاکثر « ولد بنی » مقارنت غیر مشروعه محصولی اولملرینی ابوموسی الاشعری رضی الله عنه تصریح ایتمشدر . مشارالیهک احفادنن بلال ابن ابی برده رحمه امیر بصره اولدقلری هنکامده کندیسنه بویه بر سعایتده بولونان شخصه « طور باقم ، اولاسن نصل آدمسک اوکر نهلم » دیمش ، لدی التحقیق مرقومک

ولد غیر مشروع اولدینی تحق ایش ایدی . بونک اوزرینه جد عالیترینک آنفالذ کر کلاملرینی حکایه بیورمشدر .

امام غزالی قدس سره حضرتلری دیورلرکه انسان احوال ناسه دائر کوردیکی ، ایشندیکی هر شیئی دکل یا سکر استمانده عبرت آلنه جق ، فائده کوروله جک شیلری حکایه ایتلی ، کندی حفته سويله ندیکی روایت اولونان ناسرا کلماتی همان تصدیق ایتمه ملی در . چونکه بویه سوزلرک راویسی تمام اولدینی جهته شرعاً فاسق عد اولونور . فاسنک خبری ایسه — « ان جاءکم فاسق بنبأ فتبينوا » نظام جلیلی حکمنجه — شایان قبول دکل ، بلکه مردوددر . همده وظیفه مجرد عدم قبولدن عبارت اولمیوب بلکه بومتوله ساعی بالفساد اولانک فعلانی تقبیح و کندیسنه بغض ایتمکده واجیدر .

حفته اسناد وقوع بولان کیمسه یه معصوم اولمی احتمالنه مبنی سوء ظننه بولناملیدر ، چونکه « اجتنبوا کثیراً من الظن ان بعض الظن اثم » فرمان بالیسنه توفیقاً سوء ظننه حرامدر .

نیمه خصلت ذمیه سندن زجر ومنعه واعتیاد ایدنلری تلغیه دال اولان احادیث و آثار حکمانک بر قسمی ذکر ایدلمکه شرعاً و حکمتاً نه درجه مستتبج اولدینی اکلا شاسون .

جناب حذیفه روایتله صحیح بخاری و مسلمک هر ایکسندمه مذکور اولان « لا یدخل الجنة تمام » [۱] حدیث شریفده تمامک دخول جتدن

[۱] بر روایتده « لا یدخل الجنة خب ولا منان وارد اولمشدر ، خلک فتح و کسر یله « خب » خائن و خادع دیمکدر . شارح مناوی رح بین الناس ساعی بافساد اولان شخص لئیم « ایله تفسیر ایتمشدر .

بر حدیث شریفده « لا یدخل الجنة من لا یأمن جاره بوائقه » بیورلمشدر . یمی قونو قومشولری بائقه سندن امین اولمیان کیمسه لر داخل جنت اوله نزلر . بوائق بائقه نك جمعیدر « بائقه دایه مراد فی

محروم اوله جنى تصریح ایدلش حدیث آخردده « شرارکم المشاؤون بالخیمة المفسدون بین الاحبة الباغون للعیوب » بیوراشدر . یعنی ایچکرده شرار خلق ناسک معاینی تفتیش و تجسس ایله نقل کلام ایچون کر نلر ، احبا ارسنی افساده ساعی اولانلردر .

حدیث شریف دیکرده دخی بر چوق کیمسلر ملعون عنوانیه یاد ایدلشلردرکه اونلرک بر صنفی ذوالوجهین و ذواللسانین اولانلردر دیکرلری ده کروه نماین ایله « شغاز » اولانلردرکه بونلر طوائف انسانیه آرسنه عناصر مختلفه بیننه انای عداوت ایدنلردر .

کتب اخلاقیه ده « سعایت الی السلطان » تبیر اولونان خصات لعینه — که سلاطینه اسرایه یالان یا کلش لاف طاشیمق حتملرنده جریان ایدن سوزلری نقل واسماع ایتمکدن عبارتدر — اقسام نیمه ناسک اشد و اشیمیدر عربلر بوکا « خالفه » و « مهلکه » اطلاق ایدرلر چونکه سلامت عمومییه حلق وازاله نفوس کثیره یی اهلاکه بادی اولمقدردر .

(ابغض الناس عندالله المثلث) فردسی ده حکم قدیمه جهل سندن اولمق اوزره کتب ادبیه ده مضبوطدر . ناسک نزد باریده اک زیاده مبعوض اولانی « مثلث » در . بو مثلثی اصمعی رحمه الله « هو الرجل یسعی باخیه الی الامام فیهلک نفسه و اخاه و امامه » دییه تفسیر ایتشد . یعنی اول شخص بدسیرت که قدراشی امامه غمز ایدرک هم اونی ، هم کندیسنی ، هم ده نتیجه اعتباریه امام و متبوعی اهلاکه باعث اولور . سراج الملوکده مذکور اولدینی اوزره بلغای عربدن برذات ده شویله دیمشدر : السعایة الی الساطان و الی کل ذی قدره و ممکنه هی الخالفة و المهلکه تجمع الخصال المذمومة من الغیة و لؤم الغیمة و انتویر بالنفوس و الاموال فی النوازل و الاحوال و تسلب العزیز عزه و تحط المملکین عن مکاتنه . فکم دم اراقه سعی ساع و کم حریم استیج نیمه ناسک و کم من صفین تباعدا و کم من متواصلین تقاطعا و کم من مجین افتراقا و کم من الفین تهاجرا و کم من زوجین تطالقا فلیتق الله القهار رجل ساعدته الایام و تراخت عنه الاقدار ان یصنی لساع او یستمع لناسک »

یعنی مقام سلطنته ، یاخود بر صاحب نفوذ و ریاسته قارشی بعض کلمات ویا تشبیهات اسنادیه بر شخصی سعایتده بولمقی اولیه بر جنایت حاله و مهلکه درکه غیبت و نیمه دنائت لری احتواسندن باشقه نوازل و احوالده نفوس و اموالی اتلافه بادی اولور .

بو معصیت کبیره ایله عزیزک عزری زائل مکیں مکاتندن ، سید اولوب « الامر الشدید الذی یأتی بغتة » آنسزین ایرشیدیریلن آفت عظیمه دن عبارتدر . خائن خفیه لر بی خبر اولان بیچاره لری آن واحدهده محو و انسا ایتزلرمیدی !

بو احادیثده دخول جتدن مقصد قبل التعذیب دخولدرکه خفیه لک جاسوسلوق ایدن آخرته ایمانله کیتسه بیله عذاب کورمدن داخل جنت اوله میه جقدر . اونلر ایچون بو صورتله استحقاق عقاب آخرتجه بوپوک بر امتیازدر .

مرتبه سندن ساقط اولور . ساعینک سعایتی ایله نیجه دمای معصومه اراقه ، بی نهایت حرمتلر استباحه ایدلش صغیر یکدیگرندن تباعد متواصلار تقاطع مجملر افتراق ، زوجین تباین ایتشد .

جناب عزیز ذوالجلال دن اتقا و حذر ایتمایدن اول شخص عالمیتام که ایام کندیسنه مساعد و قضای الهی متراضی اولویور ، ساعی بالفساد اولانره اعفا ایتمکدن ، تمام کروه لئیمه ناسک الی آتیه قابلمه دن محترز اولمایدن . مناسرتلی اسماعیل حق

فضائل و رذائل

و ذکر فأن الذکری تنفع المؤمنین .

دیورلرکه : انسان ایچون برغایه کمال واردر ؛ اونی احرازه چالیشمق اوزرینه فرضدر . دیورلرکه : انسان نقصانه معروضدر . یوکسلوب اوکا غلبه ایتمایدن . دیورلرکه : انسانک کمالی امکان مساعد اولدینی قدر فضائل اکتسابند ، نقصانی ایسه رذائل افعال دن برینی ارتکابنده در . شیمدی باقلم او فضائل ندر ، او رذائل هانکی شیردر ؟

فضائل روحک بر طاقم سجایا سیدرکه کندیسيله متصف اولان ایکی وجود آرسنده بر آنک وفای حصوله کتیرمک شاننددر . سخا ، عفت ، حیا و بوقیادن اولان خصائص عالیه کبی . شیمدی ایکی جو مرد ایچون هیچ بر وقت معاشرتده خلاف تصور اولنه ماز ؛ چونکه حقک ایجاب ایتدیکی یرده بذل ایتک ، ینه حقک ایجاب ایتدیکی یرده منع ایتک ایکیسینک ده مفضول اولدینی سجه مشترکه اقتضاسنددر . بناءً علیه هربری حدینی ببله رک اصلا تجاوز ایتیه چکی ایچون معاملات اقتصادی ده هیچ نزاعه محل قالماز .

کذلک غفیف النفس اولان آدملرده مشتهیات نفسانیه دن بری اوغورنده مجادلیه قالدیشازلر ؛ زیرا هوسات رذیله دن چکنمک ، آمال کریمه بسله مک هر برینک طبیعتی ایجابنددر . الحاصل ، علمای اخلاقک صفات فاضله صرهنده کوستردیکی بوتون خصائص تدقیق ایده جک اولور سه کز کورور سکز که هر فضیلت کندیسيله اتصاف ایدنلر آرسنده بر الفت حصوله کتیرمکدر .

فضائلی نفسلرنده یا کمالاً ، یاخود قسماً جمع ایتش ایکی شخص اعمال و مقاصدک کافه سنده ، یاخود قسم اعظمده اتحاد ایدرلر . بو وحدتک دوامی ایسه فضائل مشترکه ده کی رسوخلری نسبتده اولور . ایکی شخص آرسنده کی شوحال بر چوق اشخاص یتنده ده عین طرزی محافظه ایدر . دیمک ، هیئت اجتماعیه آرسنده مدار وحدت اوله جق ، اتحاد میاننده متین بر عروه اتحاد تشکیل ایده جک یکانه اساس فضائل دن عبارتدر . ایشته بواساس محکم سایه سنده بر فرد دیکرینه ، اوته کی کندیسنه بکزه من بر باشقه سنه تمایل ایدرک ، باقار سکز که قوجه بر جمهور عین اراده ایله حرکت ایدن ، حرکتده ده عین غایت طوغرو یورون بر کتله متجانسه شکلنه کیرر .

مجموع فضائل بوتون افعاله غلبدن عبارتدر . خصیصه عدل بر